

Na osnovu člana 90. Zakona o javnim nabavkama („Sl. glsnik BiH“ broj 39/14) i Pravilnika o postupku direktnog sporazuma JU MSS Gračanica zaključuje se

U G O V O R

o javnoj nabavci robe u postupku direktnog sporazuma

Zaključen dana 20.08.2015. godine između JU Mješovite srednje škole Gračanica (u daljem tekstu: Ugovorni organ) koju zastupa direktor Osman Bukvić, s jedne strane i d.o.o. HARFO-GRAF Tuzla, (u daljem tekstu: dobavljač) koju zastupa direktor Džemal Bijelić, s druge strane.

Član 1.

Predmet ovog ugovora je: **nabavka diploma, svjedodžbi, učeničkih knjižica, ljetopisa škole, zadaćnice, dnevnika rada i razredne knjige.**

Član 2.

Ugovorni organ će nabaviti robu po ukupnoj cijeni, odnosno ukupna cijena neće preći iznos od **3.176,91 KM**, sa uračunatim PDV-om, a realizirat će se prema ponudi Izvršioca koja je sastavni dio ovog Ugovora, u skladu sa potrebama škole. Način plaćanja je po računu.

Član 3.

Ugovorni organ nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke JU MSS Gračanica, najmanje 6 mjeseci po zaključenju ugovora.

Član 4.

Za sve odnose koji nisu utvrđeni ovim ugovorom, a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

Član 5.

Sve eventualne sporove ugovorne strane će rješavati sporazumno, a ako u tome ne uspiju ugovaraju nadležnost Općinskog suda u Gračanici.

Član 6.

Primjena ovog ugovora počinje danom potpisivanja od obje ugovorne strane i njegova važnost traje do 31.12.2015. godine.

Član 7.

Ugovor je sačinjen u tri (3) istovjetna primjerka od kojih je Dobavljaču uručen jedan (1) primjerak, a dva (2) zadržana za potrebe Ugovornog organa.

ZA UGOVORNI ORGAN:
(Osman Bukvić, direktor)

ZA DOBAVLJAČA:
(Džemal Bijelić, direktor)

Broj: 02-3641-1/15

Datum: 20.08.2015.god.